

## UPRAVA

Broj: 03-03-01-512/18

Sarajevo, 10.04.2018. godine

Na osnovu člana 64. stav 1, tačka b, i člana 70. stav 1,3 i 6. Zakona o javnim nabavkama („Službeni glasnik BiH“, broj 39/14), odredbi Pravilnika o postupku dodjele ugovora o uslugama iz Aneksa II. Dio B Zakona o javnim nabavkama i člana 8. Pravilnika o uspostavljanju i radu komisije za nabavke („Službeni glasnik BiH“, broj 103/14), Pravilnika o postupku nabavke broj PR/SN/01 od 24.02.2015. godine, na Preporuku Komisije za javnu nabavku broj: 04/18/5PR od 10.04.2018. godine, direktor donosi:

### ODLUKU

- o izboru najpovoljnijeg ponuđača za nabavku -

#### **PRUŽANJE USLUGA STRUČNOG NADZORA NAD IZVOĐENJEM RADOVA NA IZGRADNJI KOTLOVNICE ALIPAŠIN MOST-1 I PRIPADAJUĆEG DIMNJAKA**

- usluga iz Anek II. Dio B ZJN na koje se primjenjuje poseban režim -

#### **Član 1.**

Prihvata se Preporuka o izboru najpovoljnijeg ponuđača Komisije za javne nabavke broj: 04/18/5PR od 10.04.2018. godine i ugovor za javnu nabavku pružanje usluga stručnog nadzora nad izvođenjem radova na izgradnji kotlovnice Alipašin most-1 i pripadajućeg dimnjaka – PR 04/18 dodjeljuje ponuđaču:

#### **UNIVERZITET U SARAJEVU GRAĐEVINSKI FAKULTET IMK Sarajevo**

prema ponudi broj: 1368/18 od 03.04.2018. godine, za ponuđenu cijenu bez uračunatog PDV-a u iznosu od:

**24.750,00 KM**

kao najpovoljnijem ponuđaču.

#### **Član 2.**

Izabrani ponuđač je dužan da, u roku od 5 dana od dana prijema ove Odluke, dostavi originale ili ovjerene kopije dokumentacije iz članova 45. i 50. Zakona o javnim nabavkama.

#### **Član 3.**

Prijedlog ugovora o nabavci dostavit će se na potpis izabranom ponuđaču, nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.

#### **Član 4.**

Ova odluka će biti objavljena na web-stranici www.toplane-sa.co.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.



#### Član 5.

Za izvršenje ove odluke zadužuje se i ovlašćuje Služba nabavke.

#### Član 6.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

#### Član 7.

Istovremeno sa slanjem ove odluke, ugovorni organ će na Portalu javnih nabavki BiH objaviti dobrovoljno ex ante obavještenje o transparentnosti, u skladu sa članom 36. Zakona.

### Obrazloženje

Postupak javne nabavke pokrenut je Odlukom o pokretanju postupka javne nabavke broj: 03-03-01-1350/17 od 29.12.2017. godine.

Javna nabavka je provedena putem **posebnog režima**.

Dana 02.03.2018. godine, na web stranici [www.toplane-sa.co.ba](http://www.toplane-sa.co.ba) objavljen je Poziv za dostavu ponude i isti dan upućeno je obavještenje sljedećim ponuđačima

1. TRACEST d.o.o. Sarajevo,
2. EMNA d.o.o. Sarajevo
3. UNIVERZITET U SARAJEVU GRAĐEVINSKI FAKULTET IMK Sarajevo

II. Shodno navedenom obavještenju rok za podnošenje ponuda je bio 03.04.2018. godine do 13:00 sati.

Nakon isteka roka za podnošenje ponuda evidentirano je da su putem protokola u zatvorenim kovertama pristigle sljedeće ponude:

1. TRACEST d.o.o. Sarajevo, broj protokola 1366/18, datum 03.04.2018. godine u 12:30 sati
2. EMNA d.o.o. Sarajevo, broj protokola 1367/18, datum 03.04.2018. godine u 12:35 sati
3. UNIVERZITET U SARAJEVU GRAĐEVINSKI FAKULTET IMK Sarajevo, broj protokola 1368/18, datum 03.04.2018. godine u 12:35 sati

Komisija za javnu nabavku imenovana je Odlukom broj: 03-03-01-485/18 od 03.04.2018. godine.

Komisija za javnu nabavku je dostavila, dana 10.04.2018. godine, preporuku o izboru najpovoljnijeg ponuđača broj: 04/18/5 od 10.04.2018. godine zajedno sa izvještajem o radu broj: 04/18/4 od 10.04.2018. godine, zapisnikom o pregledu i ocjeni ponuda broj: 04/18/3 od 09.04.2018. godine, u postupku javne nabavke pružanje usluga stručnog nadzora nad izvođenjem radova na izgradnji kotlovnice Alipašin most-1 i pripadajućeg dimnjaka - PR 04//18.

U postupku, prema izvještaju o radu, utvrđeno je da je Komisija za javnu nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri),



- da su blagovremeno zaprimljene 3 (tri) ponude,
- da nema neblagovremeno zaprimljenih ponuda,
- da je ponuda ponuđača: UNIVERZITET U SARAJEVU GRAĐEVINSKI FAKULTET IMK Sarajevo prihvatljiva.
- da su ponude ponuđača: TRACEST d.o.o. Sarajevo i EMNA d.o.o. Sarajevo neprihvatljive.

Uvidom u priloženu dokumentaciju i suštinskom provjerom sadržaja i validnosti dokumentacije pristigle ponude, Komisija je utvrdila da 1 (jedna) ponuda ispunjava formalno – pravne i tehničke zahtjeve ugovornog organa i to:

1. UNIVERZITET U SARAJEVU GRAĐEVINSKI FAKULTET IMK Sarajevo, broj protokola 1368/18 datum 03.04.2018. godine u 12:35 sati

odnosno da je ponuda ponuđača prihvatljiva za ugovorni organ i da može biti predmet vrednovanja shodno utvrđenom kriteriju.

Ponude koje nisu prihvatljive za ugovorni organ sa aspekta kompletnosti, tehničkih ispunjenja uslova i zahtjeva definisanih u tenderskoj dokumentaciji su ponude ponuđača:

1. TRACEST d.o.o. Sarajevo, iz sljedećih razloga:

- ponuđač nije dostavio originale niti ovjerene potvrde o uspješno realizovanim ugovorima u skladu sa tačkom 7.3.3, tenderske dokumentacije,
- ponuđač nije dostavio obrazovne i profesionalne kvalifikacije stručnog osoblja u skladu sa tačkom 7.3.4, tenderske dokumentacije,
- ponuđač nije izvršio numerisanje stranica u skladu sa tačkom 8. podtačka 8.1.4, tenderske dokumentacije
- ponuđač nije dostavio potvrdu izdatu od strane ugovornog organa o izvršenom uvidu u dokumentaciju o građenju, u skladu sa tačkom II. Tehničkih zahtjeva iz tenderske dokumentacije u skladu sa tačkom 8.2 podtačka 8.2.1, tenderske dokumentacije,
- ponuđač nije dostavio potvrdu izdatu od strane ugovornog organa o izvršenom obilasku lokacije buduće kotlovnice, u skladu sa tačkom II. Tehničkih zahtjeva iz tenderske dokumentacije u skladu sa tačkom 8.2 podtačka 8.2.1, tenderske dokumentacije

2. EMNA d.o.o. Sarajevo, iz sljedećih razloga:

- ponuđač nije dostavio originale niti ovjerene potvrde o uspješno realizovanim ugovorima u skladu sa tačkom 7.3.3, tenderske dokumentacije,
- ponuđač nije dostavio obrazovne i profesionalne kvalifikacije stručnog osoblja u skladu sa tačkom 7.3.4, tenderske dokumentacije,
- ponuđač nije ovjerio od strane nadležnog organa obavezni dokument Aneks 7 kako je traženo tačkom 7.1.2, tenderske dokumentacije
- ponuđač nije ovjerio od strane nadležnog organa obavezni dokument Aneks 9 kako je traženo tačkom 7.5.1 tenderske dokumentacije
- ponuđač nije dostavio potvrdu izdatu od strane ugovornog organa o izvršenom uvidu u dokumentaciju o građenju, u skladu sa tačkom II. Tehničkih zahtjeva iz tenderske dokumentacije u skladu sa tačkom 8.2 podtačka 8.2.1 tenderske dokumentacije.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriteriju iz tenderske dokumentacije.



U postupku ocjene provedenog postupka, Uprava nije našla razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocijenjen, primjenjujući kriterij „**najniža cijena**“, te da je rang listu prihvatljivih ponuda / ponuđača slijedeća:

1. UNIVERZITET U SARAJEVU GRAĐEVINSKI FAKULTET IMK Sarajevo,

sa ukupnom cijenom ponude u iznosu od **24.750,00 KM** bez uračunatog PDV-a

Cijeneći navedenu rang listu i kriterij za vrednovanje, Komisija predlaže da se se ugovor za pružanje usluga stručnog nadzora nad izvođenjem radova na izgradnji kotlovnice Alipašin most-1 i pripadajućeg dimnjaka – PR 04/18 dodjeljuje ponuđaču:

**UNIVERZITET U SARAJEVU GRAĐEVINSKI FAKULTET IMK Sarajevo**  
**sa ukupnom cijenom ponude u iznosu od 24.750,00 KM bez uračunatog PDV-a,**

kao prvoplasiranom na rang listi jer sadrži najnižu cijenu.

Iz navedenih razloga, primjenom člana 64. stav 1. tačka b, člana 25 i člana 70. Zakona o javnim nabavkama te Pravilnika o postupku nabavke broj PR/SN/01 od 24.02.2015. godine, odlučeno je kao u dispozitivu.

#### **POUKA O PRAVNOM LJEKU:**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi BiH u pisanoj formi, putem ugovornog organa, u najmanje 3 (tri) primjerka.

<sup>28</sup> Direktor  
Admir Džubur

8

#### **Dostaviti:**

1. Ponuđaču: TRACEST d.o.o. Sarajevo,
2. Ponuđaču: EMNA d.o.o. Sarajevo
3. Ponuđaču: UNIVERZITET U SARAJEVU GRAĐEVINSKI FAKULTET IMK Sarajevo
4. Službi nabavke a/a




- Abonirano  
- D. 23. 04. 2018  
JM

Patriotske lige 30, Tel. ++387 33 27 84 00; Fax. ++387 33 20 01 58 E-mail: gfsa@gf.unsa.ba <http://www.gf.unsa.ba>  
ID broj: 4200287770000 PDV broj: 200287770000

Broj: 04-1-452-3/18.  
Sarajevo, 19.04.2018. godine

*Palme*  
23-04-2018



KJKP "TOPLANE – SARAJEVO" d.o.o. Sarajevo  
n/r Admir Đubur, direktor

**Predmet: Odustajanje od učešća u daljnjem postupku javne nabavke za pružanje usluga stručnog nadzora nad izvođenjem radova na izgradnji kotlovnice Alipašin most - 1 i pripadajućeg dimnjaka – PR 04/18**

Poštovani,

Dostavili ste nam Odluku o izboru najpovoljnijeg ponuđača broj:03-03-01-512/18 od 10.04.2018. godine u postupku javne nabavke za pružanje usluga stručnog nadzora nad izvođenjem radova na izgradnji kotlovnice Alipašin most-1 i pripadajućeg dimnjaka-PR 04/18, u kojoj nas obavještavate da je kao najpovoljniji ponuđač izabran Građevinski fakultet Univerziteta u Sarajevu.

Međutim, direktnim uvidom na lokaciji izgradnje kotlovnice Alipašin most -1 i pripadajućeg dimnjaka, radovi za koje je Građevinski fakultet Univerziteta u Sarajevu dostavio ponudu u postupku javnih nabavki i za koje trebao biti stručni nadzor, već su uveliko u toku, odnosno temeljna konstrukcija dimnjaka je već izvedena.

Sa izvođenjem navedenih radova se počelo bez prethodnog uključivanja stručnog nadzora na tok i kontrolu izvođenja predmetnih radova.

Prema tenderskoj dokumentaciji, a i u skladu sa važećim zakonskim i podzakonskim aktima, stručni nadzor nad izvođenjem predmetnih radova proteže se prije, kao i za cijelo vrijeme trajanja izvođenja radova, a njegova odgovornost za radove je izričito regulisana odredbama zakonskih i podzakonskih akata Kantona Sarajevo i Federacije BiH.

Stručni nadzor je trebao biti prethodno upoznat, a i od samog početka uključen u sve planirane radove, tehničkom dokumentacijom, projektima, uvođenje izvođača u poslove, otvoriti građevinski dnevnik, vršiti kontrolu radova i ugrađenog materijale u skladu sa dinamičkim i finansijskim planovima izgradnje i sve drugo predviđeno zakonskim i podzakonskim aktima iz predmetne oblasti.

S obzirom da ništa gore navedeno nije ispoštovano, Građevinski fakultet Univerziteta u Sarajevu nije spreman preuzeti odgovornost za radove koji su već izvršeni na kojima nije bio uključen u svojstvu stručnog nadzora, kao ni za nastavak predmetnih radova. Uslovi iz tenderske dokumentacije nisu predvidjeli uključivanje stručnog nadzora nakon što je već izvršen određeni obim predmetnih radova.

S obzirom da se stanje radova na lokaciji izgradnje kotlovnice Alipašin most -1 i pripadajućeg dimnjaka promjenilo od momenta objave tendera do danas, ovim putem vas obavještavamo da odustajemo od učešća u daljnjoj proceduri postupka javne nabavke za pružanje usluga stručnog nadzora nad izvođenjem radova na izgradnji kotlovnice Alipašin most -1 i pripadajućih dimnjaka – PR 04/18,

Srdačan pozdrav,

Dostaviti

- 1.) KJKP Toplane d.o.o. Sarajevo
- 2.) Arhiva

Prof.dr. Mustafa Hrasnica, dipl.inž.građ.

